



Vischnaunca burgheisa
7152 Sagogn

R E G U L A T I V
sur dalla salarisaziun e indemnisiun
per la vischnaunca burgheisa S A G O G N

Art 1

Quest regulativ da salarisaziun sebase sigl artechel 7) Intschess
dallas statutas dalla vischnaunca burgheisa da Sagogn e pertuccau
normescha l'indemnisiun da tuttas autoritads, cumissi-
uns e colluvrers temporars dalla vischnaunca burgheisa
nunche prescripziuns specialas stipuleschien enzatgei
auter.

Art 2

Il president dalla vischnaunca burgheisa retscheiva in President
fixum annual da **frs. 1'000.-** per tutta lavur che tucca
ad el en vischnaunca sco president tenor il art. 31)
dallas statutas burgheisas.
Supplementarmein vegn indemnissau tenor art. 6) da quei
regulativ

Art 3

Ils geraus obtegnan in fixum annual da **frs. 100.-**. Geraus
Quella summa vala per tutta lavur che vegn incumbensada,
respectivamein ch'ei da fa tenor il art. 31) dalle
statutas burgheisas.
Supplementarmein vegn indemnissau tenor art. 6) da quei
regulativ.

Art 4

Igl actuar retscheiva tier il fixum in supplement annual Actuar
da **frs. 250.-** per l' activitad tenor il art. 33) dalle
statutas burgheisas.
Supplementarmein vegn indemnissau tenor art. 6) da quei
regulativ.

Art 5

Il cassier retscheiva tier il fixum in supplement annual Cassier
da **frs. 250.-** per la lavur tenor il art. 32) dalle
statutas burgheisas.
Supplementarmein vegn indemnissau tenor art. 6) da quei
regulativ.

Art 6

Ils commembers dalla suprastonza vegnan indemnissai supplementarmein per:

Indemni-
saziun
supple-
mentara

- tutta lavur prestada sco representant dalla suprastonza ordeifer vischnaunca e las spesas effectivas che seresultan ordlunder.
- tuttas lavurs per arver e manischar la canzlia dils burgheis, tenor cumprova
- sedutas e conferenzas
- spesas (portos, telefons etc.)

Art 7

Per mintga seduta dalla suprastonza, dallas cumissiuns e conferenzas cun autras autoritads vegn in' indemnissaziun pagada ora.

Dretg da
retrai

Art 8

La tariffa d'indemnissaziun sedrezza suenter la tariffa dalla vischnaunca politica, nunche quei regulativ prevedi enzatgei auter.

Tariffa
d'indem-
nissaziun

Art 9

Per fitschentar en cass da basegns temporarmein gidonters sin tuts camps d'activitad dalla vischnaunca burgheisa, sa la suprastonza fixar l'indemnissaziun da cass tier cass adequat allas normas valentas.

Cass da
basegns

Art 10

Per cass nuncurclai duei il regulativ dalla vischnaunca e dil cantun vegnir consultaus.

Art 11

L'indemnissaziun per la lavur cumina vegn fixada, schi fa basegns, annualmein dalla suprastonza burgheisa.

Lavur
cumina

Art 12

Per tuttas lavurs supplementaras e per tuttas spesas ei da presentar in quen cun indicar cuortamein la lavur prestada.

Quens

Art 13

En general dueien ils quens esser visai tras il president dalla vischnaunca burgheisa.

Visar ils quens

Art 14

Tier in alzament digl index da prezis da consument, per 10 puncts, sa la tariffa d'indemnisaziun en quei regulativ vegnir ulivada ora tras la suprastanza, e quei sin la nova perioda da quen.

Midadas, alzaments

Art 15

Igl index da prezis da consument munta per il 1-1-92 131,2 puncts.

Index da prezis

Art 16

Quest regulativ ei vegnius approbaus alla radunonza dils burgheis dils 25. da mars 1992. E passa en vigur retroactiv naven digl 1 da schaner 1992.

Vigur

Cun l'entrada en vigur da quei regulativ ein tuttas applicaziuns e convenziuns da pli baul abrogadas.

Il president dalla
Vischnaunca burgheisa

Giusep Cavelti
Giusep Cavelti

L'actuara dalla
Vischnaunca burgheisa

Anna Margreta Caderas
Anna Margreta Caderas-Steinhauser



28-3-92/Cg